

GJALDSKRÁ

fyrir hunda- og kattahald í þéttbýli Snæfellsbæjar 2026

1. gr.

Sækja þarf um leyfi til að halda alla hunda og ketti, einnig þau dýr sem af einhverjum ástæðum eru undanþegin leyfisgjaldi.

2. gr.

Snæfellsbær innheimtir gjöld vegna hunda- og kattahalds samkvæmt gjaldskrá þessari, sem ætlað er að standa undir kostnaði við framkvæmd samþykktar um hunda- og kattahald í Snæfellsbæ, nr. 757/2007.

3. gr.

Skráningargjald hunda og katta

Við leyfisveitingu hunda skal innheimta gjald sem hér segir:

- Fyrsta leyfisveiting, kr. 27.000.-
- Leyfisveiting eftir útrunninn frest, kr. 36.345.-

Við leyfisveitingu katta skal innheimta gjald sem hér segir:

- Fyrsta leyfisveiting, kr. 13.800.-
- Leyfisveiting eftir útrunninn frest, kr. 19.600.-

Frestur til að skrá hunda og ketti er 2 vikur eftir að dýrið er tekið inn á heimili, en hvolpa og kettlinga skal skrá eigi síðar en þegar þeir ná þriggja mánaða aldri.

4. gr.

Eftirlitsgjald

Af leyfðum hundum skal innheimta árlegt eftirlitsgjald sem hér segir:

- Fyrir hvern hund, kr. 20.250.-

Af leyfðum köttum skal innheimt árlegt eftirlitsgjald sem hér segir:

- Fyrir hvern kött, kr. 11.500.-

Ekki er innheimt eftirlitsgjald sama ár og hundur eða köttur er skráður.

Innifalið í eftirlitsgjaldi hunda og katta er greiðsla fyrir ábyrgðartryggingu, merkispjald, heilbrigðisskoðun dýralæknis og árleg ormahreinsun, ásamt umsýslugjaldi sveitarfélagsins.

5. gr.

Handsömunargjald

Við afhendingu handsamaðra hunda skal innheimt handsömunargjald sem hér segir:

- Fyrsta afhending hunds, kr. 20.840.-
- Önnur afhending hunds, kr. 41.685.-
- Þriðja afhending hunds, kr. 62.475.-
- Fyrsta afhending hunds sem ekki er skráður, kr. 41.685.-

Við afhendingu handsamaðra katta skal innheimt handsömunargjald sem hér segir:

- Fyrsta afhending kattar, kr. 13.300.-
- Önnur afhending kattar, kr. 26.500.-
- Fyrsta afhending kattar sem ekki er skráður, kr. 26.500.-

Óheimilt er að afhenda óskráða hunda eða ketti nema gengið verði frá leyfisveitingu við afhendingu.

Að auki skal greiða þann kostnað sem leggs á vegna fæðis, geymslu, auglýsinga og ferðakostnaðar handsamaðs hunds.

- Verð pr. sólarhring pr. hund, kr. 4.450.-
- Verð á sólarhring pr. kött, kr. 2.500.-

6. gr.

Undanþágur frá leyfisgjaldi

Undanþága frá eftirlitsgjöldum er veitt sem hér segir:

- vegna minkahunda og smalahunda á lögbýlum,
- vegna hjálparhunda fyrir fatlaða einstalinga,
- vegna leitarhunda. Leitarhundur er undanþeginn leyfis- og eftirlitsgjaldi ef viðkomandi hundur hefur að minnsta kosti B-viðurkenningu sem gefin er út af viðurkenndum leiðbeinanda. Ljósrit af slíkri viðurkenningu skal afhent við umsókn um niðurfellingu gjalda. Heimilt er að ógilda niðurfellingu gjalda sé hundurinn ekki lengur á skrá sem leitarhundur samkvæmt skilgreiningu þessari.

7. gr.

Afsláttur á leyfisgjaldi

Hafi eigandi skráðs hunds lokið grunnnámskeiði í hundauppeldi, viðurkenndu af heilbrigðiseftirliti þar sem námskeiðið er haldið, er heimilt að veita 20% afslátt af gjöldum fyrir viðkomandi hund.

Framvísi eigandi tryggingaskírteini vegna ábyrgðartryggingar og kvittun frá dýralækni um að heilbrigðissskoðun og árleg ormahreinsun hafi farið fram annars staðar á kostnað eiganda, er heimilt að veita 10% afslátt af gjöldum fyrir viðkomandi hund. Þessum skírteinum skal skilað árlega.

Framvísi eigandi kattar tryggingarskírteini vegna ábyrgðartryggingar og kvittun frá dýralækni um heilbrigðissskoðun og að árleg ormahreinsun hafi farið fram annars staðar á kostnað eiganda, er heimilt að veita 10% afslátt af eftirlitsgjöldum fyrir viðkomandi kött. Þessum skírteinum skal skilað árlega.

8. gr.

Gjalddagi

Gjalddagi eftirlitsgjalds er 1. apríl ár hvert og eindagi 30. apríl. Dráttarvextir reiknast frá gjalddaga séu gjöldin ekki greidd á eindaga. Um innheimtu gjalda fer samkvæmt ákvæðum laga um hollustuhætti og mengungarvarnir, nr. 7/1998. Gjöld skv. gjaldskránni má innheimta með fjárnámi.

Við afskráningu hunds eða kattar er eftirlitsgjald endurgreitt í réttu hlutfalli við þá mánuði sem eftir lifa af árinu.

**9. gr.
Annað**

Ofangreind gjaldskrá bæjarstjórnar Snæfellsbæjar, staðfestist hér með, samkvæmt 59. gr. laga nr. 7/1998, með síðari breytingum, um hollustuhætti og mengunarvarnir, samanber samþykkt um hunda- og kattahald í Snæfellsbæ nr. 757/2007, til að öðlast gildi þegar við birtingu.

Jafnframt falla úr gildi gjaldskrá fyrir hundahald í Snæfellsbæ nr. 1585/2024 og gjaldskrá fyrir kattahald í Snæfellsbæ nr. 1586/2024.

Snæfellsbæ, 4. desember 2025

Lilja Ólafardóttir
bæjarritari